

Канон пред иконой Пресвятой Богородицы Печерская Нерукотворенная

Память празднуем 3 (16) мая

Тропарь, глас 4-й

Днесь свѣтло торжествует Печѣрская обитель и радуется явлѣнием образа Богоматере безмѣрный лик Печѣрских отцев, с нимиже и мы непрестанно вопиѣм: радуися, Благодатная, Печѣрская похвало.

КАНОН, глас 4-й

Песнь 1

Ирмос: Отверзу уста моя, и наполнятся Духа, и слово отрыгну Царице Матери, и явлюся, свѣтло торжествуя, и воспою, радуяся, Той чудеса.

Припев: Пресвятая Богородице, спаси нас.

Слово ми даждь, Пречистая, да верою и любовью воспою еже к нам Твое безмѣрное низхождение.

Пресвятая Богородице, спаси нас.

Покров Твой, Богородительнице, видяще над нами в явлении чуднаго образа Твоего, благодарственная от души воспеваем.

Пресвятая Богородице, спаси нас.

Ангельстии лица удивися, зряще Твое промышление, еже о нас, и с трепетом окружиша Твой Пречистый лик.

Слава: Силою Божиею украшающей Твой храм, Богородице, иконописцы вкупе с Алипием преподобным со мною хвалою воспеша Тя, чудно им являющуюся.

И ныне: Из уст Твоих, Пречистая, являя благодатное освящение церкви Печерской, излетѣ голубь, яко образ Духа Святаго, всельшагося zde.

Песнь 3

Ирмос: Твоя песнословцы, Богородице, Живый и Независтный Источнике, лик себе совокупльшия, духовно утверди, в Божественней Твоей славе венцев славы сподоби.

Пресвятая Богородице, спаси нас.

Просветися весь образ Твой, Богородице, и, светом Небесным осияваемы, иконописцы падоша ниц, ужасающися.

Пресвятая Богородице, спаси нас.

Радостию одержим бе явлѣнием Духа Святаго в видѣнии голубине преподобный Алипий, с верою и любовию зряще Тя, Богомати.

Пресвятая Богородице, спаси нас.

Егда узрѣша голубя, восходяща из уст Богоматере ко образу Спасову, видевшии его хотяху поимати, но не можаху.

Слава: Чист и бел, аки снег, голубь, бѣше во образ Всесвятаго и Пречистаго Духа Божия, леташе по церкви, на лики святых восседаѣя.

И ныне: Излеташе многократно сей голубь из уст Богоматере к ликом Спасову и святых, облетая всю церковь, показуя многосугубую благодать Духа Святаго, в храме Печерском пребывающую.

Господи, помилуй (*трижды*).

Седален, глас 4-й

Егда явися образ Твой, Пречистая, в церкви Печерстей, тогда воспѣша Ти вси, видевшии чудо сие, с ними же и мы, ведуще в явлѣнии сем сугубую благодать в обители нашей, радостно зываем Ти и любовию чтим лик Пречистый Твой, Богообрадованная, присно нас снабдевающая любовью Своею.

Слава, и ныне: Светлое днесь Госпожи нашея Пресвятыя настѣ торжество, веселися, пречудный Алипие со иноки Печерстими, да ликовствуют вси боголюбивии собори: созывает бо нас Пресвятая Богородица прославити чудную Свою икону, лучами милости не токмо обитель Печерскую, но и землю Брянскую просвещающую, темже, радуящися, вси вопием: спаси ны, Дево Чистая.

Песнь 4

Ирмос: Седяй в Славе на Престоле Божества во облаце легце, прииде Иисус Пребожественный Нетленною Дланию и спасе зовущия: слава, Христе, силе Твоей.

Пресвятая Богородице, спаси нас.

Сияние образа Твоего, Богомати, просвети всю церковь и ослепи ужасом исполненный иконописателей лик.

Слава: Тонко и непостижимо бысть сие сияние, яко снизшествие Духа Превечнаго, небесам отверстым в небесѣ подобную церковь.

И ныне: Алипий бо преподобный тако и разумѣ сие явлѣние, аки образ благодати Духа Святаго в церкви Печерстей.

Песнь 5

Ирмос: Ужасошася всяческая о Божественней славе Твоей: Ты бо, Неискусобращная Дево, имела еси во утробе над всеми Бога и родила еси Безлетнаго Сына, всем воспевающим Тя мир подавающая.

Пресвятая Богородице, спаси нас.

Яве узрѣша в сем чуде непостижимую милость Богоматере, вси, сущии в церкви, прославиша Господа, такуюю благодать нам даровавшего.

Пресвятая Богородице, спаси нас.

Удивляет наш ум и разжигает сердце воспети сие преславное чудо – явление лика Богоматери в церкви Печерстей.

Слава: Безумный токмо не разумет в сем безмерную милость Приснодевы и благодать Божию к уделу Печерскому Пречистыя.

И ныне: Отсюда разумевше незримый покров Владычицы над сим благодатным уделом, устами и сердцем принесем хвалу Пречистей.

Песнь 6

Ирмос: Божественное сие и всечестное совершающе празднество, Богомудрии, Богоматере, приидите, руками восплещим, от Нея рождаемого Бога славим.

Пресвятая Богородице, спаси нас.

Горе вознесем сердца и верою и любовью притецем под всемогущий покров Богородицы, дела подражания Ей приносяще.

Пресвятая Богородице, спаси нас.

Ангельски воспевая Обрадованную, потщимся явити хвалу Ей верою, кротостию и милосердием.

Слава: Господни ведуще заповеди, прославим Пречистую Матерь Спасову, исполняюще закон Христов.

И ныне: Омывая грехи и беззакония жизни своея слезами покаяния, потщимся чистою душею облобызать Печерский образ Богоматере.

Господи, помилуй (*трижды*). Слава, и ныне:

Кондак, глас 3-й

Дева днесь невидимо предстоит в церкви и с лики Печерских отцев молится о нас, благоговейно величающих Ея безмерную милость к роду нашему, явльшуюся в чудном образе Ея, обитель Печерскую украшающем.

Икос

Ограді моя помышления, Пречистая, и Небесным Твоим благословением подвижни мя достойно воспети славу Твою на месте святем сем, да, надеясь на милость Твою, дерзну убогим языком воззвати к Тебе: радуйся, Печерская славо, от лет древних нас освящающая, радуйся Небесная Игумения обители нашей, присно zde пребывающая любовью и милосердием; радуйся, упование и крепость рабов Твоих, на месте сем служащих Ти; радуйся, незримо нас благодатию осеняющая в образе Твоём, обитель Печерскую украшающем.

Песнь 7

Ирмос: Не послужиша твари Богомудрии паче Создавшего, но огненное прещение мужески поправше, радовахуся, поюще: препетый отцев Господь и Бог, благословен еси.

Пресвятая Богородице, спаси нас.

Множество содеянных лютых помышляя, окаянный, трепещу и с верою зываю Ти, Богородительнице, яко Мати милосердия, прощения ища.

Пресвятая Богородице, спаси нас.

Осветится и наша душа светом благодати Христовой, егда в покаянии и молитве притечем к неусыпающей о нас в заступлении Богородице.

Пресвятая Богородице, спаси нас.

Надеяся на милость Обрадованной, с верою воззовем Сыну Ея: помилуй нас, Боже, по молитве Матери Своей.

Слава: Аще и немощный духом и телом, но да посетит нас благодать Божия, в немощех совершающаяся.

И ныне: Хотяще восприяти Духа Всесвятаго, принесем в сей храм Богоматери чистую душу и веру в любви.

Песнь 8

Ирмос: Отроки благочестивыя в пещи Рождество Богородичо спасло есть; тогда убо образуемое, ныне же действующее, вселенную всю воздвизает пети Тебе: Господа пойте, дела, и превозносите Его во вся веки.

Пресвятая Богородице, спаси нас.

Антония и Феодосия преподобных с сонмом Печерских отцев двиза на молитву о нас, прославим Пречистую усердием к обители Ея.

Пресвятая Богородице, спаси нас.

Антоний преподобный вкупе с Феодосием единомравным предстоит у лика Богоматере и молятся Ей о покровении места сего и верою чтущих его.

Слава: Ныне взирая на милосердный лик Приснодевы, испросим у Нея и Предвечнаго Сына Ея, в объятиих держимаго Ею, милость к нам, грешным.

И ныне: Твоим материнским покровом, Пречистая, да защищаеши и ныне сей удел Твой и верою служащих Ти в нем.

Песнь 9

Ирмос: Всяк земнородный да възграется, Духом просвещаемь, да торжествует же Безплотных умов естество, почитающее священное торжество Богоматере, и да вопиет: радуйся, Всеблаженная Богородице, Чистая Приснодево.

Пресвятая Богородице, спаси нас.

Одержими радостию в сей светлый день праздника Богоматере, все упование на Ню возложим в скорбех и печалех жизни нашея.

Пресвятая Богородице, спаси нас.

Не усыпает о нас в молитвах Пречистая Матерь Спасова и являет чудное Свое милосердие ко всем, верою чтущим Ея образ святый.

Слава: Иисуса Христа светлейшее имя призывающе, верою прославим безсмертную Матерь Его, спасающуюся в жизни сей.

И ныне: Яко Мати всех нас милосердно приими, Преблагословенная, сие убогое слово Твоего последнего раба и сохрани его и всех нас в уделе Твоем во веки веков.